

Dallimi mes Zekatit në pasuri dhe Zekatul Fitrit

[Shqip – Albanian – ألباني]

Muhamed Salih El Munexhid

Përktheu : Driton Lekaj

2009 - 1430

islamhouse.com

﴿ الفرق بين زكاة المال وزكاة الفطر ﴾

« باللغة الألبانية »

محمد صالح المنجد

ترجمة: دريتون ليكاي

2009 - 1430

islamhouse.com

Pyetja: A dallon zekati i cili është shtyllë e Islamit dhe që është obligim për çdo mysliman nga zekati i fitrit?

Përgjigja:

Falënderimi i takon Allahut ..

Po, zekati i cili është një nga pesë shtyllat e Islamit dallon nga zekati i cili jepet me rastin e përfundimit të agjërimit të muajit Ramazan.

E para: e që është zekati që jepet nga pasuria në lloje të pasurisë e që janë:

- 1- Kafshët shtëpiake (Devetë, lopët dhe delet)
- 2- Ari dhe Argjendi: e njëjta dispozitë vlen edhe për paratë.
- 3- Malli i ekspozuar për tregti.
- 4- Ajo që del nga toka dhe kjo përmban dy gjëra:

E para: Të mbjellurat dhe frytet. Dijetarët kanë konsensus se zekati është i obliguar në katër lloje, e ato janë: Gruri, elbi, hurmat dhe rrushi i terur. Ndërsa përveç këtyre llojeve kanë mospajtim mes vete.

E dyta: Err Rrikaz – e që është pasuria e jo besimtarëve e cila është e varrosur (groposur) në tokë dhe e gjen një mysliman.

Ibn Tejmije (Allahu e mëshiroftë) ka transmetuar nga Ibn Mundhiri (Allahu e mëshiroftë) në librin e tij “Mexhmuul Fetava”¹, i cili ka thënë: “ *“Dijetarët kanë konsensus se zekati jepet në nëntë gjëra: Për devetë, lopët, delet, ari, argjendi, gruri, elbi, hurmat dhe rrushi i thatë. Kur të arrin secili lloj prej tyre sasinë e obliguar për të dhënë zekat.”*

Ndërsa kanë mospajtim në llojet e tjera të pasurisë.

Zekati në këto pasuri obligohet sipas kushteve të caktuara, e obligim është nxjerrja e një sasive të pasurisë të cilën e cakton sheriati.

Ky lloj i zekatit është shtyllë prej shtyllave të Islamit ku ai që e mohon del nga Islami dhe ai që nuk e jep është gjithsesi fasik (mëkatar).

Udhëheqësi mysliman e ka për obligim t’ia merr me dhunë e nëse insiston në mos dhënien e tij dhe mbrohet me fisin apo diç tjetër luftohet për këtë.

¹ Mexhmuul Fetava: 25/10.

Abdullah b. Umeri (Allahu qoftë i kënaqur me të dy) thotë se e kam dëgjuar Pejgamberin (paqja dhe shpëtimi i Allahut qofshin mbi të) duke thënë:

*“Islami është ndërtuar mbi pesë (shtylla): Dëshminë se nuk meriton askush adhurimin, faljen e Namazit, dhënien e Zekatit, agjërimin e Ramazanit dhe Haxhin.”*²

Gjithashtu Ibn Umeri transmeton se Pejgamberi (paqja dhe shpëtimi i Allahut qofshin mbi të) ka thënë:

*“Jam urdhëruar t’i luftoj njerëzit përderisa të dëshmojnë se nuk meriton askush adhurim pos Allahut dhe se Muhamedi është i dërguar i Tij dhe të falin namazin e të japin zekatin. E kur ta bëjnë këtë, atëherë gjaku dhe pasuria e tyre janë të mbrojtura nga unë përveç me të drejtë të Islamit dhe llogaria e tyre i takon Allahut.”*³

Sahabët kanë konsensus se ata që nuk e japin zekatin duhet të luftohen. Për këtë transmetohet nga Ebu Hurejra (Allahu qoftë i kënaqur me të) se ka thënë: *“Kur vdiq Pejgamberi (paqja dhe shpëtimi i Allahut qofshin mbi të) dhe u zgjodh Ebu Bekri si dhe dolën nga feja ata që dolën prej arabëve, Omeri (Allahu qoftë i kënaqur me të) i tha Ebu Bekrit: “Si po i lufton njerëzit kur Pejgamberi (paqja dhe shpëtimi i Allahut qofshin mbi të) ka thënë:*

“Jam urdhëruar t’i luftoj njerëzit gjersa të thonë: La ilahe il-lAllah (nuk meriton askush adhurim pos Allahut) dhe ai që e thotë këtë e ka të mbrojtur nga unë pasurinë dhe veten e tij përveç me të drejtën islame dhe llogaria e tij i takon Allahut.” Ebu Bekri i tha: Pasha Allahun, do ta luftoj çdokënd që bën dallim mes namazit dhe zekatit, ngase zekati është e drejtë në pasuri. Pasha Allahun nëse nuk ma japin një “anak” (dele të vogël) të cilën ia kanë dhënë Pejgamberit (paqja dhe shpëtimi i Allahut qofshin mbi të) do t’i luftoja për këtë gjë. Atëherë Omeri tha: Pasha Allahun, e vërejta se Allahu ia kishte hapë gjoksin Ebu Bekrit (Allahu qoftë i kënaqur me të) dhe e kuptova se kjo ishte e vërteta.

E dyta: Ndërsa zekati i cili obligohet në fund të Ramazanit është zekati i Fitrit. Dijetarët kanë konsensus për obligimin e tij përveç ndonjë mospajtimi të rrallë.⁴

Ajo është në gradë më të ulët se sa zekati i obliguar në pasuri si në obligim ashtu edhe në pozitë. Zekati i Fitrit nuk është shtyllë prej shtyllave të Islamit si dhe nuk del nga feja ai që e mohon atë.

Zekati i Fitrit është obliguar në hadithe të shumta e prej tyre:

² Buhariu me nr: 8 dhe Muslimi me nr: 16.

³ Buhariu me nr: 25 dhe Muslimi me nr: 22.

⁴ Shiko Tarhu Et tethrib: 4/46.

- Abdullah b. Umeri (Allahu qoftë i kënaqur me ta) thotë:
“I Dërguari i Allahut e ka bërë obligim sadaktul Fitritin një sa’a hurma apo një sa’a elbi për: Robin dhe të lirin, mashkullin dhe femrën, të voglin dhe të madhin, prej myslimanëve dhe ka urdhëruar të jepet para se të dalin njerëzit për në namaz të Bajramit.”⁵
- Ibn Abasit (Allahu qoftë i kënaqur me ta) i cili ka thënë:
“Pejgamberi (paqja dhe bekimi i Allahut qoftë mbi të) e ka obliguar sadakatul Fitritin si pastrim për agjëruesin prej fjalëve dhe veprave të kota dhe ushqim për të varfëritë. Ai që e jep para namazit atij i pranohet si zekat i Fitrit e nëse e jep pas namazit, atëherë është sadakë (lëmoshë) prej sadakave.”⁶

⁵ Buhariu me nr: 1503 dhe Muslimi me nr: 984.

⁶ Ebu Davudi me nr: 1609 dhe Shejh Albani e konsideron të saktë në Sahih Sunen Ebi Davud.